



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Martini Lvtheri Piae Ac Doctae Operationes In Dvas Psalmorum Decades**

**Luther, Martin**

**Basileae**

**VD16 L 5540**

Inquinatae sunt viae illius in omni tempore, Auferuntur iudicia tua a facie eius, Omnium inimicorum suorum dominabitur.

**urn:nbn:de:hbz:466:1-37005**

ac neglectam dei, Sic tamen (quemadmodum dixi) neminem sinant de mode  
 stia, prudentia, pietateq; prae se gloriari, aut celebrari. Oportet enim impios  
 monstruosissimo uitae genere, esse quod non sunt, & non esse quod sunt.

Inquinatae sunt uiae illius in omni tempore, Auferuntur iudicia tua  
 a facie eius, Omnium inimicorum suorum dominabitur.

Pro inquinatae sunt, Hiero. & hebraeus, Parturiunt. Ac poterat latinus aliq;  
 scriptor, pro in quietae, scripsisse uideri in quinatae, quasi interpret parturientis  
 affectum per in quietudinem reddiderit, nisi Aug. & ueterum exemplaria una  
 cum Graecis resisterent. Augustinus enim legit: Contaminantur uiae eius, Sen  
 sus nostri textus erit. Et si impius sibi mundus uidetur in uis suis, tamen cum  
 sit ipse inquinatus, in quinatae sunt uiae eius omni tempore. Sicut Prover. xxx.  
 Generatio quae sibi munda uidetur, & tñ non est lota a sordibus suis: Genera  
 tio cuius excelsi sunt oculi, & palpebrae in altum surrectae: Generatio, quae pro  
 dentibus gladios habet, & commandit molaribus suis, ut comedat inopes de  
 terra, & pauperes ex hominibus. Quibus uerbis idem qui hoc psal. impius de  
 scribitur. Sunt sane impij etiã ea praesumptione, ut si quid patiãtur, aut sinistra  
 ceciderit eorum studium, de patientiae corona gloriẽtur, adeo nunq; non opti  
 ma de se sentiũt, contra quos dicit, In omni tempore, id est, tam prospero, q; ad  
 uerso, siue quid bene gesserint, siue mala passi fuerint, pollutũ & in quinatum  
 est. Quasi cum Apostolo Tit. j. dicat: Cum sint abominati & increduli & ad  
 omne opus bonum reprobj. Et iterum: Omnia munda mundis, in quinatis aut  
 tem, & infidelibus nihil est mundum, sed in quinatae sunt eorum mens & con  
 scientia. Siquidem impij, qui iusticiam suã in opera diuidunt & suis se regunt  
 consilijs, non possunt esse homines oium horarum, omniũ operum, omnium  
 rerum, liberi scilicet & indifferẽtes: Sed certis adhaerẽt, in quibus fidũt propter  
 quae & belligerãtur. Ideo dicit, q; in omni tempore sint uiae eius in quinatae, uo  
 lens q; maxime eo tempore, q; sibi purissimi uideãtur. Et hic locus ualet in eos,  
 qui bona moraliter facta, reponũt inter opera nõ mala, ppter uim naturalem  
 lib. arb. in bonũ. Sed stat sentẽtia: Inquinatae sunt uiae eius in omni tẽpore.

Hebraeus nõ, longe distat ab hoc sensu, quia parturire est, inquietũ esse, & in  
 doloribus agere, in quo significat impiorũ studia quãtumlibet bona, nõ fieri  
 animo hilari & gratuito, sed in quieto, tristi & dolẽte, quia dũ spiritus pingue  
 dinem non habet, non nisi cũ legis odio & difficultate bona faciũt, difficultas  
 autem & inuita uolũtas, conscientia quoq; tristẽ reddit. Atq; hoc ipsum in qui  
 nat eorũ omnia opa bona, q; in quieto, rebelli, inuito, tristiq; corde ea faciũt.  
 Aut si libẽter ea faciũt, iam subtiliori pollutione foedãtur, dũ affectu commodi  
 siue cõmodis allecti, cũ nunq; dei amore, & affectu iusticiae ea faciãt. Oq; gran  
 de hoc uerbu: Quãtos hodie capit & non capit, qui faciẽdo q; in se est, & mo  
 ralibus uirtutibus intẽti, hanc suã cordis in quinationẽ non obseruãt.

In hebraeo, Omni tempore, iungitur ei quod sequitur: Auferuntur iudicia  
 tua a facie eius. Simpliciterq; dicitur: Inquinatae sunt, seu parturiunt uiae eius,  
 q. d. quicquid facit boni, & laboriosum est, & tamen immundum simul. Atq;  
 ut supra psal. j. diximus, uias uocat, cum tamen potius sint errores, quia foris  
 bona uidentur hominibus eorum opera, dum in uestimẽtis ouium incedunt,  
 sed intus ubi inquinati sunt, Lupi sunt rapaces.

Huic in se

Hic infelicissimo impiorum nomini, q̄ speciosissima eorum, uita  
 deo in quinata pronūciatur, additur & hoc, quod iudicia dei sint longe a  
 eorum. Quo exprimit, quod dixit: Non est deus in conspectu eius. Vnde  
 ostendere quomodo sint sine timore dei, iudicia (inquit) tua, quibus pro pe-  
 peribus tandem surgens iudicabis, & omnes reos facies qui superbiunt, sicut  
 longe sunt a facie eorū, ut nunq̄ super sese uentura certissimi sint. Ad hoc dicit  
 Isa. x. Quid facietis in die uisitationis & calamitatis de longe uenientis? Vnde  
 ergo, pius cum Iob ueretur omnia opera sua, cum tamen sint munda, tam peri-  
 pe sunt ei iudicia dei, coram quo non iustificatur omnis uiuens, si intrat in  
 dicitum cum eo, psal. c. j. At impius cum sint omnes uix eius in quinata, nūq̄  
 tamen ueretur opera sua, tam longe sunt ei iudicia dei: Quin superbis habet  
 unde deum debitorem suū expectet, operibus, scilicet condignis uita aeterna,  
 tum & cōgruis & supererogationis, sicut nostro seculo docuere Magistri, qui  
 uni momentaneo actui meritorio tribuunt dignitatem meriti aeternae gloriae.  
 Quae, quis Turca apud nos doceri crederet?

Omnium inimicorum suorum dominabitur. Hieronymus: Omnes inimicos  
 suos despicit. Nec fatis scio, quae sit huius uerbi יריה germana significatio.  
 Nam psalmo. xj. sic reddit: Fiducialiter agam in eo. Abacuk. ij. Et apparebit  
 in finem. At Prouerb. xij. Profert mendacium testis dolosus. Quomodo er-  
 go conueniunt, despiciere, damnari, fiducialiter agere, & profert? Noster sane  
 sibi constat, pro dominari idem intellexisse uidetur, quod per fiducialiter age-  
 re, quod expressius Hieronymus despiciere dixit, qui enim despicit, fiducialiter  
 ter agit, ac uelut superior in uictum dominatur. Dicit Ioannes Reuchlin he-  
 mulitando secum parare, disponere, loqui. Quod interim sequamur, ut sit sen-  
 sus, impios esse adeo superbos & contemptores omnium in uita sua, ut etiam  
 omnes tribulatores, seu aduersarios suos cum fiducia despiciant & cum despe-  
 ctu in eos loquantur, tanq̄ nihil nocituros. Vbi si per neutrum, seu impersonale  
 interpres reddidisset, clarior sensus fuisset, ac tam praecedentibus q̄ sequenti-  
 bus pulchre congruisset, in hunc modum: Omnes tribulationes suas despicit,  
 hoc est, adeo securus est, adeo longe sunt iudicia dei, a conspectu eius, ut etiam  
 derideat sibi denūciatas futuras peccatorū poenas, cum ad se eas non pertinere  
 arbitretur, ideo contemptim in eas secum meditatur & loquitur. Hunc sen-  
 sum iuuat, quod iudicia dei praemisit contempta, per quae impijs intentatur &  
 infertur tribulatio. Deinde, quod צורראי zorarai, non inimicos, sed tribulato-  
 res suos significat, scilicet, qui angustiant & affligunt, ut psal. ij. & vj. dictum  
 est. Hunc contemptum poenarum passim tribuit impijs scriptura. Amos. ix.  
 In gladio morientur omnes peccatores populi mei, qui dicunt, non appropin-  
 quabit & non ueniet super nos malum. Isaia. xxvij. Dixistis, percussimus foe-  
 dus cum morte, & cum inferno fecimus pactum: Flagellum inundans cum  
 transferit, non ueniet super nos. Michea. ij. Ne loquamini dicunt, non stilla-  
 bit super iustos, non comprehendet confusio, dicit domus Iacob. Ita uerbum  
 hoc loco omnino significat, non modo loqui, sed cum fiducia & despectu lo-  
 qui, sicut solet dominus & superior. Sic potest illud Prouerb. xij. nunc intelli-  
 gi: Profert mendacium testis dolosus, id est, cum fiducia & despectu loquitur  
 mendacium, non metuens poenam mendacij. Sed & uersus sequens indicat  
 hanc esse huius partis sententiam, dicens,

Dixit enim

Impius non  
ueretur ope-  
ra sua.